

玉花會疏

切以能全呼吸定喘息實非難會春氣神調
神和應甚易性德三曜命變五行出陰陽造
化之端在清靜虛無之上要開金藥須種玉
花馨香吐而透入暗空明艷顯而朗舒碧漢
得自然而輕九轉得自然而殺七還自結大
丹自通玄妙既為脫殼便是登仙願露赤心
請題芳號

金蓮會詩

諸公須是助金蓮願出長生分定錢逐月四
文十六字好於二八結良緣
長生永結 蓮社有始有終無諂詐諸公不
可半途止直待王風去則罷
勸君莫戀有中無無無休失無中有有有春
出玉花頭頭結取金蓮首

辭世頌

地肺重陽子呼為王宮風來時長日月去後
任西東作伴雲和水為隣虛與空一靈真性
在不與衆心同
重陽全真集卷之九

重陽全真集卷之十

終南山重陽子王結撰

詩

贈王俊

害風故故謂華宗三教唯公道話同此際遇
逢齊上下中間會聚各西東須知冬至青和
白認取春分綠間紅急急三光如可悟忙忙
四假盡成空圓明一點皆能有物裏千般總
被家覺性自然通水湛達心那入百花叢般
般打破仍歸妙箇箇還迴便見終飯食充饑
機兩妙面前相對玉玲瓏

贈道衆

盡知長與道為隣搜得玄玄便結親悟理莫
忘三教語全真修取四時春養成元氣常充
滿結住靈神沒漏津十九圓光如我願敢邀
相伴樂天真

詠雪

得其真趣絕搜尋物物般般總不侵碧落湛
澄非有意白雲來往本無心盈盈明月增佳
致細細清風送好音舉目慵觀清去賦怡顏

願換伯牙琴外除花卉游人靜內蘊芝苗只
自臨決要三田歸至寶亦令一性上高岑春
成幻體如光瑩舞正胎仙似嘯吟杳默昏冥
長作伴寂虛水保水中金

問多夢

捉住心猿治住神自無夢惱內中真尾閭不
動金精氣腎海長添乾水銀內則愈能增覺
性外來應是養生身廣行法錄類施救便是
逍遙得岸人

于公求詩

無思無慮是真修養氣全神物物休且寂容
顏須要見元初光彩決重收莫將外景心中
蘊好把靈丹性上求依此自然超彼岸都緣
清淨大神舟

諸散人求問

修行須藉色身修莫端凡軀做本求假合四
般終是壞真靈一性要開收聚成無相成無
漏結作丹九作備周五道光明同是伴能超
清淨大神舟

贈王哥

修行學道並無師只要心中自己知淨處常
常生智慧閑居每每起慈悲搬柴運水唯開
做觀相存思各自為戒食忘情為慷慨任歡
取樂是修持救人設藥功尤大戒酒除葷行
最宜宜待閉門說宿性宿緣堪可便相隨

問內事

修行事理說叮嚀只要心中靜裏明眼界不
生龍自住鼻門無閉虎長停舌根退味心神
悅耳內除聲腎水清南北沖和同一體東西
交燻戒三彭木金厥仗盤桓處嬰蛇相隨自
在符結就金丹出頂上五光射道緣雲翹

喫酒賭錢

心遊閑散染浮華放肆開懷是淫狂飲酒莫
教離孝順賭錢休要壞居家道門好入時時
重王法須遵可可奢平等能行方便事也教
隨我伴煙霞

學士勸學

宰予晝寢不堪看惜取光陰倦聽琴瑟嘆彌勤
勞非取辱茅堂修進敢求安隔窓映雪心常
樂閉戶懸頭性自懽大志不須持一寶絲公

正好學倪寬

問曉達

搜開本有自分明放出真光滅盡情三寶決
然撥正覺一靈何慮不圓成得通妙用須澄
湛會認玄微貴淨清堪做無為雲外客長生

路上步前程

自述

殿紅瑪瑙閣中懸清靜玄中在眼前便把瑤
瑤安甲室更將琥珀頓庚田四般珍寶宇收
取三耀光中謹密傳此法得時空外去彩霞
深處步金蓮

問生死

常常知足善縱橫莫要深深慮火坑性上分
明開兩路午前認取打三更一真自顯靈光
結七竅皆通瑞氣盈正合慈悲超法界清涼

路上得長生

友人獻酒

登途上路不由吾雲霧相招本性懸萬里清
風常作伴一輪明月每為徒山青水綠程程
送酒白梁黃旋旋活今夜一盃如有意放開

紅燭照水壺

友來清靜

黑雲散盡月偏明照耀塵寰滅有情煩惱不
生全妙理是非去微出深坑山頭別有微風
至心下重將小雪迎面壁散人知此味逍遙

路上證圓成

榮華不著是良因遠達非非眼泉新八識精
研通不夜五門光顯照長春由斯更許超三
界依此應靈出六塵一朵金蓮歸上界圓成
永不墮迷津

贈友人

大道無言不可聞禪宗坦蕩乃同群兩般打
坐誰能悟一炷香煙孰會分奪得三光真秀
氣便消四大敢紛紅團圓耀彩投空外方得
逍遙似白雲

友人來問

自然消息自恬然不論金丹不誇仙一氣養
成神愈淨萬金難買日高眠紅紅火燭三峯
透白白蓮花五葉鮮勳破行功無作用于斯
堪可認玄玄

詠眼

如日光明似水晶
燭人鑑物愈惺惺
只觀粉貌空虛景
肯覽黃庭內外經
眸子正安難見道
童兒端坐不瞻形
教公若遇金梭子
刮盡塵睛慧自明

自悟

齒落髮華現老軀
本靈猶自應癡愚
市中來往于人祿
山上清虛負月孤
擺徹水泉圍火氣
撥開煙焰指冰湖
從茲舒展紅霞脚
踏碎絀陰這轆轤

詠劍

惺惺寶劍最分明
越厲磨礱對我呈
高寒劈開新道眼
一揮斬斷舊心情
朝生瑩淨渾無染
夜吐光芒更有聲
戰退妖魔邪氣力
盡投空外化成形

仲正宅

今日清明賞水廳
堪為住宅總康寧
兒孫女婦渾家慶
德行荷蓮一道馨
退己進人唯仲正
休心積善勝看經
時來同處青山外
萬頃白雲作畫屏

昨宵夢請八神仙
便付鸞衣降玉編
數幅靈牋鋪錦繡
一枝象管走雲煙
廣留教法開心地
善寫詞詩種福田
祕審天機誰得悟
靈風風害獨能傳

聞鶯啼

今朝三月二十八
耳邊忽聽鶯聲發
鶯關道眼一觀瞻
羽翎新用黃金刷
見子轉轉弄清吟
他意還應會我心
恰似琴聲初調品
無情風月是知音

初春

世網擘開肯染塵
名園恰似洞中春
問公還識逍遙客
顧我堪為自在人
坐上詩篇俱濟濟
醉中醪醕任頻頻
四時不老花芳別
唯有清香一蓋均

凡籠跳出並無塵
此日誰知物外春
對景肯從指紳者
將身已作散閒人
詩錄毛穎傳來速
酒泛芳卮轉得頻
認取祖宗真寶地
黃茅澆灌滿園均

留題友人樓

深羨孩兒樂使牛
不須裝裹急梳頭
清閑自

是親香火勞役誰知遠
侯優咫尺運來人不見
道遠紫府我先酬
愛河猛捨尤清淨
別駕輕軻泛十洲

贈友詠雪

密布彤雲慘白沙
舞空亂目閉天涯
嘉祥自是封盈尺
應瑞依然結六花
景外畫圖歸釣叟
瑩中清淨屬仙家
晚來皓月開濃霧
一派流光射素霞

贈姪

一首新詩贈七哥
子言切記莫蹉跎
遵陰國法行思義
謹守軍門護甲戈
飲膳共為通神讓
言談歌出用謙和
先人後己唯長策
許看歸來唱凱歌

上兄壽

祥雲瑞霽生賢哲
五百時臻遇三月
十一日辰尤最奇
三千年見蟠桃結
莫辭金華酒頻添
好把玉爐香滿爇
仰祝遐齡無可比
有弟今朝細分說
若比金玉均可缺
若比江海亦不竭
若比鐵石俱可裂
若比松柏皆可折
若兄之愈眉壽水
水綿綿不可絕

日中已過艷陽天嫩綠微紅是禁煙恰到清
明真火得不迷濁酒道心堅自知一性通長
壽何恥凡軀掛舊種燕語呢喃金蛇妙鶯啼
現脫觀嬰質三田誰識虛中寶四假予知積
上看但把五行顛倒使便教他日遇神仙

述懷

閑閑閑得染章篇顯出文房內四賢烏帽嬰
兒添硯水朱衣蛇女運陳玄白顏公子傳銀
笏綠鬢佳人鋪錦牋九轉鋪排真玉潔一揮
寫就寶珠圓明光象象千般瑩彩艷團團五
色鮮親自擎將空外去十分堪獻大羅仙
害風王誥遠山隈信脚同雲近海垓八百行
成雙樹果三千功滿一聲雷更無意馬遊情
色那有心猿探世財財色兩能長滅絕色財
盡許不追陪永除失脚黃泉去久得回頭道
眼開任處碧霞光增耀朗隨風月過瑤臺

贈李道友

見公逸樂樂無涯道在真全去世華雅句公
明謫仙子遺風正是老君家須知文苑高韓
愈臺作琴堂感伯牙有箇玉喬遠識不同歸

蓬島跨雲霞

又繼韻

雲根上起任天涯到處臨風弄月華對水雙
鶴由我跨輞川一景屬吾家清虛益氣憑師
教恬淡通津愧易牙占得逍遙真自在何須
服藥與餐霞

詠赤目

耳中何事轉加聰兩目如盲爛爛紅恰似禪
僧初入定正如大道始行功內思不出澄神
住外想俱無忘閑空意馬心猿重捉住頂門
玉路自然通

詠磴磨

磴大驢微力不勝鳴驢人早便生嗔一心發
恨嫌行慢兩手扶鞭打得頻只為不知輕與
重更交轉受苦中辛伊能見麼無仁德只此
分明後世因

師父鎖庵化馬銜有治平寺無名和尚

尚將為守靜有頌曰開閉深藏有甚
因無言靜坐去貪嗔高樓畫角如春
夢釋海波清見本真了了了時心便

了微微處水澄清為觀俗事愚癡
子故守禪堂不出門師父母每句復翻
三句完之為八絕按八識

閑閑深藏有甚因都緣眼界絕紅塵白駒點
點難相染野馬紛紛任自申

無言靜坐去貪嗔耳內繁華勿我觀不鼓聲
音唯作伴無絃曲調自為隣

高樓畫角如春夢鼻息沖和言不用此別分
明善果生這迴只把良因種

釋海波清見本真舌中五味不登唇三時恬
淡唯清淨一味甘甜沒價珍

了了了時心便了身中一點圓光小從茲點
點與昏昏又更冥冥還杳杳

微微微處水澄清意盡心忘滅盡情無漏無
為登正覺不增不減證圓成

為觀俗事愚癡子妄想難除生與死迴光返
照這裏來識心見性投玄旨

故守禪堂不出門並無煩惱性中昏未酬教
徹衆生願好把玄談細闡論

贈釋友號無名

法師今已得清涼一性昭然顯瑞祥却把無
名為雅號釋迦元住在何方

友人求問

青春應是好書義理昭然覺自如若赴選
場須決勝榮家願已掛金魚

閩學士寫上四句續和十二句

輪迴生死如何免認取巨初真正面三珍五
彩一齊攢長生路上霞光現

欲愛貪財甚法離真清真淨是精持般般物
物俱無著一箇圓光上玉池

過際光陰能久矣人人總悟非行使閩中等
取真箇真得後逍遙共歡喜

衰顏寧再去年時裏面真人本不羨莫愁外
容者假合嬰兒相貌示無移

贈鈞翁

這箇魚兒更更顯錦鱗潑潑躍清泉金鈞三
擲吞香餌一掣神仙几案前

贈童子修行

白袍青包宿世因有緣遇我脫迷津雖然未
達玄中妙已作蓬萊小道人

贈修行友

跳出陰陽造化關一心向道莫迴還淨清便
是神仙路只要閑中養內顏

紙旗上書

占得風來便有綠朝朝贏得日高眠飢時倚
上來求乞只要人間肯錢

和道友韻

奪得真容不問年滿爐香火五千言儵然然
坐通恬淡獨晒明靈出玉軒

贈劉四友

常把鏡中人別辨莫教珠上起塵埃有緣體
貌捐新業無相身軀產舊孩

夢裏逢子睡沒言須知正訪害風處公道要
得頻談論認取冰中冷處暄

命中福淺少因緣只為勞生日業重若是要
居閑散地長令清淨沒憂煎

稍留片語輕提耳直待一身無一事此時方
可共逍遙路遇仙人談不二

一指長生路上遷待公性分有因緣巨初那
箇分明見何患將來不作仙

一想前言是沒緣在公只要志牢堅推心朴
實無偏黨未作神仙已做賢

尋思遺過幸然間恁會閑中那箇閑人不堪
憂方是樂悠時與我共躡躡

勝如不見先生面只要公心長作善藏吉嘉
祥不離身明珠一顆分明現

夢裏逢師是睡仙從公知道這因緣若教足
下還如此也沒驚憂自在眠

佳時三月此花開擅作斯心玉作腮折得一
枝冠上挿也應隨我到蓬萊

畫骷髏警馬鈺

堪數人人憂裏愁我今須畫一骷髏生前只
會貪寔業不到如斯不肯休

為人須悟塵勞汨清淨真心真寶物奪得驪
龍口內珠便教走入崑崙窟

詠月

上弦金月下弦銀上下金銀各半斤被我會
為十六兩內中星分恁生均

詠矮槐

無極真人種矮槐清陰覆地有誰陪今朝對

此成歡悅記得當時是我哉

遊白鹿觀

觀有清涼號集仙臺名白鹿昔昇天我來到
此君休笑已在白雲洞裏眠
無何霍氏太言深昨日天晴今日陰天意若

教人數得不高不廣似人心

不寒不暑好風吹金餅團團照我衣武曲星
臨文曲位上元節比下元時

題友人池塘

孫氏池塘似漢波前瞻波面靜無聲轉頭却
見潏潏流落輪迴為不平

六月聞蟬

皂衣脫了覺身輕便作金蟬樹上鳴已得清
風真伴侶誰人此日悟新聲

退下烏軀體便輕高槐美蔭喜長鳴道遠披
上亭亭坐自在風前款款聲

詠中秋月

桂來天氣逼人寒傍出金盤宿霧殘不比尋
常三五夜勸君休作等閒看

別燈杖

輕微纖細爐為隣長在油中汙本真愛把燈
光頻剔撥怎知紅焰返燒身

詠竹

夜月照時金瑣碎清風拂處玉玲瓏歲寒別
有非常操不比尋常草木同

詠茶

昔時曾見趙州來今日盧仝七椀猜烹罷還
知何處去清風送我到蓬萊

以扇贈姪洗塵

是人洗拂酒兼羊我有霜纔與七郎除垢招
風開道眼教兒水遠得清涼

和十五夜月

日暮雲收爽氣寒冰輪輝映向更殘清光此
夜分明別休與凡常一例看

題茶坊

已喫蟠桃勝買瓜此般風味屬予家直須換
假金真性指路蓬萊跨彩霞

歎世

堪歎世間名與利朝貪暮愛沒休時悟來恰
似觀棋者迷後渾如敗者棋

急急修行急急修我今題寫此骷髏從來世
上爭名利不到而今未肯休

欲東行被友偷了引相留

脚引誰留慢慢收元來不用遠慮由今朝已
得前程路便是逍遙達岸舟

脚引伊將誠見察扶風真行成搜刷足知王
詰得因緣會要修持導國法

閑意

一輪明月一清風內外交馳西復東滾出崑
崙山頂上照吹明爽自然雄

對鏡

誰知將鏡異中觀分出南山與北山我把靈
臺頻自照不須別辨好客顏

自詠

從此孽開真鐵網今朝跳出冗塵籠便將明
月堪拏弄撥斷閑雲好害風

詠出籠鸚鵡

畫成鸚鵡不嚶嚶跳出牢籠難死生告你蛇
蝶休弄侮如今不向此中行

離親詠

心淨神清賢不華水雪便是我生涯休文死
後渾家送贏取生前出離家

五月一日

奉白金蓮社裏人裝寅月一起良因諸公若
悟靈山食暗換長生不老身

五月十五日

闔家安樂吉祥先次後心頭用火然燒見本
來真面目望中觀喜看團圓

玉花金蓮社

勸君莫惡有中無無無休失無中有有有春
出玉花頭頭結取金蓮首

贈釣吏

釣罷將歸又見菴亦知有分列仙曹鳴榔相
喚知予意躍出洪波萬丈高

崔千戶求聰明以詩贈之

秀氣要清清於中性用真自然開智慧應是
出聰明為教同其閑延年共比彭並通三教
理遠遠得期程

却昇化餘打破罐因贈二絕

撲破真及罐却得空風觀真待悟殘餘有箇

人人嘆

欲要心不亂般般都打斷子午卯酉時須作
骷髏觀

閉吟

自晒這風狂因何喜和光隨緣消舊業無復
造新殃意馬須牢繫心猿切緊防道修如急
急日日得馨香

歎骷髏

此是這王喆前生心性劣脫了你骷髏現出
中秋月

詠清涼

清涼何所似不與苦寒同半夜臨潭月初秋
過雨風

贈范才甫

有姪喚作王五郎其妻喚作我姪女二人做
取好因緣兩箇休遭破疾苦若便尋思這未
鉛便令調養真龍虎真龍虎人不識亦鳳山
傍各一隻守定巢窠共結成東西換過成交
易成交易正好行丹田界上殺三彭無人會
得雙關義有箇靈童打五更打五更傳消息

一派甘泉正好與便是醍醐灌頂來此中惟
我知端的知端的休休休姪女姪兒急急修
若還不肯聽予言荒郊定作兩骷髏

金蓮社開明疏

竊以慧燈永照須憑玉藥之光性燭長明決
得金蓮之耀十六內沐三光之秀外消四假之名
安虛躡空探玄搜妙洗來瑩淨之卿出入芳
馨之咯各懷珠璧共捧瓊瑤顯要全神須全
養氣稍通斯訣請掛芳衡

玉花社疏

竊以玉化乃氣之宗金蓮乃神之祖氣神相
結謂之神仙陰符經註云神是氣之子氣是
神之母子母相見得做神仙起置玉花金蓮
社在于兩州務要諸公得認真性不曉真源
盡學傍門小術此是作福養身之法並不干
修仙之道性命之事稍為失錯轉乖人道諸
公如要真修行飢來喫飯睡來合眼也莫打
坐也莫學道只要塵冗事屏除只要心中清
淨兩箇字其餘都不是修行諸公各懷聰慧
每日齋場中細細省悟庶幾不流落于他門

行功乃別有真功真行晉真人云苦要真功者須是澄心定意打疊神情無動無作真清真淨抱元守一存神固氣乃是真功也若要真行者須是修仁蘊德濟貧拔苦見人患難常行拯救之心或化誘善人入道修行所行之事先人後已與萬物無私乃真行也伏願諸公早垂照鑒

重陽全真集卷之十

重陽全真集卷之十一

交一

終南山重陽子王若謨

詞

醉醺香

自在隨緣信脚而無思沒算名清感選皓月同為侶伴步長路成歡樂唇歌舌彈忽經過洞府嘉山堪一眺正逢著祥瑞頻讚異果名花滋味美馨香撒散對良辰雖好景難為惹絆任水雲前程至天涯海畔便遭過清淨神舟超彼岸這迴做真害風漢

鶴沖天

迷祛惑去正好修行做清靜是根源真門戶切莫他尋恐遺遺望仙路開闢更闢處靈根元明轉轉愈為開悟功圓行滿唯有紅霞乘往昔得遭逢親師父此則專來教長生訣頻頻顧方知今得度便許相隨永永共雲

望遠行

晴空日照達澄夜月吐銀輝星瑩運三光處五彩騰明做作靜中瞻聽察見真修真鍊氣

神攢聚便許密遊良運這盈盈功行於斯已定端正應是細搜細刷現出箇本來元性葉葉皆靈枝枝總秀精瑩永成清淨雲外青重持詔傳言授取天皇宣命謝十洲三島神仙來聘

又詠雪

祥敷瑞布瓊瑤安片片風刀裁下窈窕虛外徧撒空中頃刻粉鋪簷瓦鎖綴園林粧點往來樵逕真箇最宜圖書報豐登珠實應難比價清雅解潔盡成澆漆更爽氣愈增慳灑萬壑都平千山一色遐邇不分原野恰似子家仙景澄徹瑩瑩蓬萊亭榭現自然光耀長明無夜

滿庭芳

選子奇現依時轉種自然生發靈苗風滋雨潤漸漸引技條長就方能鈿刈池隍漚日變青梢令人羨新鮮淨潔款款起皮廕須教軀作線織成密布一任槌敲待伊家熟軟裁剪總緣做就仙袍甚穩誰能掛唯我堪消成功行六鉢衣換方顯爾功超